



Krivična djela počinjena iz mržnje i poticanje na mržnju

PODACI SARAJEVSKOG OTVORENOG CENTRA


Sarajevski otvoreni centar je u posljednje tri godine dokumentovao ukupno 80 slučajeva govora mržnje na osnovu seksualne orijentacije i rodnog identiteta.



SOC je zabilježio i 84 slučaja krivičnih djela počinjenih iz mržnje. Najveći broj krivičnih djela počinjeno je na osnovu seksualne orijentacije - ukupno 63 u periodu od tri godine.



Kada se radi o tipu krivičnog djela, kao posebno zabrinjavajuće tendencije pojavili su se porast nasilja u porodici, izražavanje homofobije i transfobije i međuvršnjačko nasilje u obrazovnim institucijama. Ovi trendovi se, kao i neadekvatan odgovor nadležnih institucija, nažalost nastavljaju i dalje.



Republika Srpska je usvajanjem Krivičnog zakonika 2017. postala prva administrativna jedinica u BiH koja sankcioniše poticanje na mržnju, govor mržnje i nasilje prema LGBTI osobama, dok krivični zakoni FBiH i Brčko distrikta još uvijek ne uključuju SORI kao osnov za krivično djelo.

Policija i pravosuđe sistematski ne prikupljaju informacije o krivičnim djelima počinjenim iz mržnje na osnovu roda, kao i na SORISK osnovama. Prema informacijama koje je SOC dobio, nijedan od sudova u BiH do sada se nije susreo s ovakvim krivičnim djelima.

Smjernice za djelovanje

- Izmjenom i dopunom krivičnih zakona Federacije BiH i Brčko distrikta proširiti odredbe o poticanju na mržnju i nasilje tako da uključuju i SORI kao zaštićene osnove
- Konstantno educirati i informirati sudije i sutkinje, tužitelje_ice, policijske službenike_ice i državne službenike_ice o krivičnim djelima počinjenim iz mržnje i poticanju na mržnju i nasilje prema LGBTI osobama
- Unaprijediti saradnju policije i pravosuđa u procesuiranju krivičnih djela počinjenih iz mržnje nad LGBTI osobama, te sistematski prikupljati podatke o krivičnim djelima počinjenim iz mržnje na osnovu roda, te na SORISK osnovama
- Uvesti LGBTI inkluzivne module u nastavne planove i programe pravnih fakulteta i policijskih akademija, te u permanentne i specijalističke programe obuke policijskih službenika_ca i ispitate za državnu službu
- Razviti program borbe protiv međuvršnjačkog nasilja u osnovnim i srednjim školama, koji će obuhvatiti i homofobno i transfobno nasilje, kao i programe promocije tolerancije i stvaranja inkluzivnog obrazovnog sistema
- Educirati visokoškolsko/akademsko osoblje kako bi se ono senzibiliziralo za rad s LGBTI osobama, te kako bi prepoznalo, osudilo i izbjeglo govor mržnje prema LGBTI osobama

Izradu publikacije podržala Američka agencija za međunarodnu saradnju (USAID). Stavovi izneseni u ovoj publikaciji ne odražavaju nužno stav Američke agencije za međunarodnu saradnju (USAID) niti Vlade SAD-a, već isključivo autora.



USAID
OD AMERIČKOG NARODA



**SARAJEVSKI
OTVORENI
CENTAR**